



mjesečni Bilten

omladinska mreža bosne i hercegovine

juli-
avgust
2019.

242-243

Dragi prijatelji/ce,

Predstavljamo vam **dvobroj 242 – 243** mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u julu i avgustu 2019.....	2
Planovi za septembar 2019.	7
Aktivnosti članova mreže.....	8
Saopštenja/informacije/donatori/pozivi	27

Uživajte u čitanju!

AKTIVNOSTI ORC/HCA U JULU - AVGUSTU 2019.

Divided Past – Joint future – 5K Fun Run for Peace



U Tuzli je, u okviru kampanje koju provodi Omladinski Resursni centar, a u sklopu projekta “Podijeljena prošlost – zajednička budućnost”, 25. Avgusta održana utrka za mir – **5K Fun Run for Peace**. Lokacija utrke je bila izletišta Iliničica. Utrku dužine 5 kilometara je uspješno završilo svih 27 trkača.

Pobjednik utrke je, poznati tuzlanski trkač **Mirzet Halilović**. Drugo mjesto je osvojio **Adi Čanović**, dok je treće mjesto zauzeo **Muris Husagić**.

Omladinski resursni centar Tuzla je partner na projektu i implementator nacionalne kampanje u sklopu projekta “Divided past – Joint future”. Projekat implementira 19 organizacija sa Zapadnog Balkana i Turske, a nosilac projekta je OKC Banjaluka. Projekat finansira Evropska Unija.



Posjeta Gradonačelniku Tuzle povodom Međunarodnog dana mladih

9. avgusta gradonačelnik Tuzle, Jasmin Imamović je u Gradskoj upravi upriličio prijem predstavnicima omladinskih organizacija.

Prisutni članovi gradonačelniku su prezentirali šta su u protekloj godini uradili za mlade u gradu Tuzli, i koje aktivnosti planiraju za naredni period.

Nakon što su se predstavili i upoznali gradonačelnika sa aktivnostima i uspjesima koje su postigli, te šta u budućnosti namjeravaju realizovati i kako to žele ostvariti, razgovaralo se i o raznim temama i idejama koje su tiču mladih.

Ispred Omladinskog resursnog centra Tuzla na prijemu kod gradonačelnika bili su Enida Jakubović, Kenan Suljić i Benjamin Burek.



PYAF! – Festival omladinske kulture i aktivizma – Jablanica, 23. – 25. avgust



U Jablanici je, u periodu od 23. Do 25. Avgusta, u organizaciji Omladinskog kluba "Pod istim suncem" i Omladinskog kulturnog centra "Urban Art" Jablanica, održan festival posvećen omladinskoj kulturi i aktivizmu pod nazivom "PYAF".

Pod sloganom "From brave art to activism!", festival je ponudio niz različitih sadržaja, od crtanja murala, kreativnih radionica, kazališnih predstava i izložbi do muzičkog programa namijenjenog prvenstveno bh. demo bendovima.

Osim umjetničko-zabavnog programa na festivalu su organizovane i panel rasprave posvećene unaprjeđenju omladinskog sektora i aktivizma u

BiH. Jedan od ciljeva ovog događaja je uvezivanje organizacija civilnog društva sa predstavnicima donatorske zajednice, kao i kreiranje novih prijedloga projekata i aktivnosti omladinskog sektora.



Održavanje festivala pomogli su: Bosnia and Herzegovina Resilience initiative – BHRI (glavni sponzor), kao i Federalno ministarstvo kulture i sporta i Općina Jablanica.

Na ovom festival je, ispred ORC Tuzla učestvovao Miralem Tursinović

Trening za omladinske lidere - CAT



U periodu od 28. Avgusta do 1. Septembra na Jahorini je održan trening za omladinske lidere u borbi protiv nasilnog ekstremizma.

Omladinski resursni centar Tuzla, u saradnji sa Proni centrom za omladinski razvoj iz Brčko Distrikta, okupio je 15 mladih lidera iz Brčkog, Foče i Tuzle na petodnevnom treningu o izazovima koje u našem društvu donosi radikalizam i nasilni ekstremizam. Tokom pet dana treninga, učesnici su imali priliku da naučenu teoriju i

prethodna iskustva iskoriste za osmišljanje aktivnosti za lokalne akcije u svojim sredinama. Realizacija mini projekata je očekivana u naredna 2 mjeseca, a učešće i organizaciju istih će koordinirati mladi iz Brčkog, Foče i

Tuzle, uz podršku mentorskog tima Omladinskog resursnog centra Tuzla. Aktivnost je realizovana u sklopu projekta CAT (Citizens against terrorism), a podržana od strane BHRI programa.

Projekat „Građani protiv terorizma – CAT“ je inicijativa mladih iz Sjeveroistočne Bosne i Hercegovine, koji su okupljeni oko ORC Tuzla i Proni centra za omladinski razvoj Brčko. U prethodne 3 godine projekat je, zbog svoje inovativnosti, izazvao veliku pažnju među građanima BiH i regiona, te je trenutno u toku njegov četvrti nastavak.



Omladinska grupa ORC Tuzla

Obuka „Uči, misli, djeluj“ – Ljetna škola, Sarajevo

Polaznice i polaznici obuke za omladinske lidere/ice "UMiD 14" završili su ljetnu školu na kojoj su obrađivali teme Samoosnaživanje, Ljudska prava i rješavanje konflikata, a zajednički zaključak je da su sada još spremniji za unaprjeđenje vlastitih, ali i kapaciteta svojih zajednica.



U periodu od 14. do 20. jula 15 mladih iz svih dijelova BiH imali su priliku upoznati vlastite mogućnosti, savladati strahove, uvidjeti kada su njihova ljudska prava prekršena i kako se izboriti za njih na najbolji način. U ovih 7 dana mladi su, pored učenja, imali priliku i za druženje, što je posebno učvrstilo veze i stvorilo nova prijateljstva među njima. U narednom periodu polaznici/e obuke provodit će svoje lokalne inicijative kako bi unaprijedili vlastite zajednice, a ljetna škola je poslužila i kako bi napravili dogovore na koji način mogu jedni drugima pomoći.

Jedan od polaznika UMiD obuke jeste i naš Kenan Suljić. Pored lično stečenog znanja, ovo je veliko unaprjeđenje

za naš tim i našu organizaciju.

Kamp Omladinske banke

U periodu od 5. do 8. Avgusta članovi Odbora omladinskih banki učestvovali su na ljetnom kampu na Bosanskoj Otoci. Na kampu je učestvovalo preko 80 mladih iz pet Odbora omladinskih banki: Tuzle, Srebrenika, Lukavca, Kalesije i Živinca.

Tema kampa je bila "Filantropija i ekologija", gdje su učesnici naučili o važnosti učešća u svojoj zajednici i kako oni mogu biti filantropi, a kroz drugu temu ekologije su podigli svoju svijest o važnosti očuvanja okoline i kako mogu očuvati svoju okolinu i smanjiti zagađenost.



Na kampu su učestvovali i članovi Omladinskog resursnog centra Tuzla, koji su ujedno i članovi Odbora omladinske banke Tuzla, Enida Jakupović i Benjamin Burek.

Oblast zdravstva i socijalne politike

Ministarstvo za kulturu, sport i mlade Tuzlanskog Kantona, u saradnji sa Ekonomskim institutom iz Sarajeva provodi projekat izrade nacrtu Strategije prema mladima Tuzlanskog kantona za period 2020. - 2024. godine. U okviru projekta planirana je i organizacija niza strateških radionica sa predstavnicima privatnog, javnog i nevladinog sektora i medija u periodu od jula do oktobra 2019. godine.

Prva radionica vezana za oblasti zdravstva i socijalne politike održana je 19. Jula od 10:00 do 13:00 sati u Plavoj sali JU Bosanski kulturni centar Tuzlanskog kantona. Tema radionice se odnosila na analizu trenutne situacije u oblasti zdravstva i socijalne politike za mlade.

Na ovoj radionici je uzeo učešće i naš član Benjamin Burek.



Push pauza „Mladi ne šute“, Sarajevo



29. juna mladi iz Sarajeva i šire, imali su priliku da se druže i razgovaraju na temu "Mladi ne šute!"

Jedan od govornika push pauze bio je i naš Kenan Suljić koji je pored svog iskustva u aktivizmu imao priliku ispričati i motivisati mlade ljude na osnovu ličnih uspjeha. Prisutni su imali mogućnost da iz prve ruke saznaju mnogo zanimljivih priča i uvidjeti kako zapravo izgleda borba za nešto u što vjerujemo!

ARTivističko ljeto 2019, Bugojno

U periodu od 24.-27.06.2019. održan je omladinski kamp pod nazivom „ARTivističko ljeto“. Cilj kampa je bio okupiti 40 mladih ljudi iz cijele Bosne i Hercegovine, te ih na lokaciji van gradske zone, daleko od signala i mobitela podučiti razvoju kvalitetnih kompetencija i vještina, kao i međusobnom povezivanju. Također, cilj projekta je bio povezati što više mladih ljudi i edukovati ih o važnosti kulture, sporta i umjetnosti, te informisati širu javnost o značaju mladih ljudi, njihovom aktivizmu i kulturi.



Jedan od učesnika bio je član naše organizacije, Kenan Suljić.

Međunarodni dan mladih

Povodom Međunarodnog dana mladih, koji se širom svijeta obilježava 12. augusta, Fondacija tuzlanske zajednice u saradnji sa Vijećem mladih Grada Tuzla i ove godine upriličila je druženje mladih u Caffe baru Sloboda, uz roštilj, muziku i igre za mlade.

Cilj događaja je skrenuti pažnju na mlade i probleme sa kojima se oni susreću u današnjem društvu.

Ispred Omladinskog resursnog centra Tuzla podršku ovoj manifestaciji dali su i članovi Omladinske grupe: Mirela Biković, Duško Majkić, Azra Hasanović, Enida Jakubović i Benjamin Burek.



Volunteering potential lab u Poznanu, Poljska

Od 16. do 24. Avgusta Karamujić Emir i Sulejmanagić Elma su učestvovali na projektu Volunteering potential lab u Poznanu, Poljska.

Ovom projektu je prisustvovalo 28 učesnika iz devet evropskih zemalja, uključujući Sjevernu Makedoniju, Rumuniju, Švedsku, Španiju, Italiju, Armeniju, Gruziju, Poljsku, te Bosnu i Hercegovinu.

Fokus ovog projekta je na animiranju volontera da se aktivnije uključe u sve ono što njihove NVO rade, te kako da koordinatori volonterski grupa približe proces volontiranja potencijalnim volonterima.



Sam projekat je podijeljen je u nekoliko faza. Nakon prvog treninga, slijedi implementacija svega usvojenog i ponovni susret u Poljskoj.

REDOVNE AKTIVNOSTI ORC I HCA TUZLA

Tokom jula i avgusta radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA SEPTEMBAR 2019.

- Nastavak rada na implementaciji nove kampanje - „CAT 19“. U okviru ovog projekta u naredom periodu naše aktivnosti su: Organizovanje Treninga izgradnje kapaciteta za aktivne članove kampanje, pokretanje prvih uličnih akcija u: Foči, Brčkom i Tuzli, te nastavak on-line kampanje.
- Aktivnosti omladinske grupe ORC-a Tuzla
- Početak aktivnosti ALF BH mreže (2019. – 2020). U okviru ovoga izvršićemo mapiranje ALF mreže BiH, kako bismo ustanovili kapacitete članica mreže, njihove potrebe i planove. Isto tako krenućemo sa pripremama za organizovanje godišnjeg sastanka ALF Mreže BiH, te se aktivno uključiti u pripreme ALF Foruma, koji će se održati u Šibeniku, Hrvatska, u aprilu 2020. Godine.
- Nastavak apliciranja za projekte i učešće u partnerskim projektima u regiji
- Nastavak aktivnosti u okviru partnerskog projekta koji vodi PRONI Brčko – “Mladi u borbi protiv nasilnog ekstremizma”, a u okviru programa MATRA Nizozemske ambasade u Sarajevu.
- Montaža i objavljivanje dokumentarnog filma, u okviru projekta „Divided past – Joint future.

AKTIVNOSTI ČLANICA OMLADINSKE MREŽE BiH



Asocijacija srednjoškolaca u Bosni i Hercegovini”

Ul. Mula Mustafe Bašeskije 7, 71000 Sarajevo
Tel/fax: +387 33 205 850
E-mail: asubih@yahoo.com
Web: www.asubih.ba

Prijave za “Forum teatre” su otvorene!

Asocijacija srednjoškolaca u Bosni i Hercegovini se godinama bavi pitanjem fenomena “dvije škole pod jednim krovom”, te kroz različite projekte daje priliku mladima da razgovaraju o tome i kreiraju konkretne aktivnosti za nastavak borbe protiv segregacije u obrazovanju.

Najavljujemo vam novi veliki projekat pod nazivom “Forum teatri”, koji je osmišljen tako da uključuje srednjoškolce iz četiri zajednice iz BiH u kojima je prisutan fenomen “dvije škole pod jednim krovom”, a to su: Bugojno, Busovača, Gornji Vakuf – Uskoplje i Stolac.

Zašto baš “Forum teatri”?

Kroz forum teatre u ova četiri grada ćemo dobiti značajne pokazatelje o tome kako je to biti učenik u školi u kojoj je priustan najvidljiviji oblik segregacije. Forum teatar možemo posmatrati i kao svojevrsnu platformu za isprobavanje rješenja, gdje se pojedinci/ke osnažuju da djeluju i da se suočavaju s problemom svoje zajednice i ličnim problemima. Nije cilj da se ponudi sjajno rešenje u scenama, već je cilj ponuditi što više mogućnosti i osjetiti kako je biti u određenoj ulozi, kako bi razumjeli nekoga ko je potlačen, nad kim je vršena diskriminacija po bilo kom osnovu.

U svakoj lokalnoj zajednici će biti po jedna predstava, te će ovaj projekat trajati naredna 4 mjeseca. Prvi korak je prijava i odabir učesnika, a nakon toga će se održati dvodnevne posjete stručnih saradnika u svakoj lokalnoj zajednici, kako bismo ispitali stavove. Poslije toga slijedi priprema i realizacija predstava gdje će učesnici posebno raditi u svojim lokalnim zajednicama, a nakon završetka sve četiri – završna ceremonija!

Aktivnost „Forum teatri“ je podržana od strane BHRI (Bosnia and Herzegovina Resilience Initiative) projekta.

“Iglanje ili igranje”



Članovi lokalnog tima Tešanj Asocijacije srednjoškolaca u Bosni i Hercegovini su realizovali kamp od srednjoškolaca za srednjoškolce. Kamp pod nazivom “Iglanje ili igranje” je trajao 4 dana i od 29.6. do 2.7. ove godine. Na osnovu vršnjačke edukacije obrađivale su se teme narkomanije, ovisnosti, mentalnog zdravlja i ostalih srodnih tema.

U toku trajanja kampa učesnici su imali priliku posjetiti izletišta Stupa, izvorište Oaze udaljenu 6 kilometara, a sve u okviru promocije zdravog života. Učesnici su imali priliku poslušati predavanje inspektora, slušati iskustva osoba koje su se izliječile od ovisnosti,

učiti o izviđačkim vještinama čvorologije i topografije, učiti i pucati iz streljačke puške, učiti o prvoj pomoći sa osvrtom na najčešće povrede u prirodi, uživati u filmskoj večeri i večeri oko logorske vatre pod zvjezdanim nebom.

Posljednji dan kampa učesnici su imali priliku posjetiti Gradinu.

Cilj kampa je bio osnaživanje životnih kapaciteta, kako učesnici ne bi došli u iskušenje probavanja narkotika i detaljna i opširna edukacija o svakoj od dostupnih i široko rasprostranjenih droga od stručnjaka i svojih vršnjaka koji su osposobljeni za ovakvu edukaciju. Pored toga, jedan od ciljeva bio je i podsticanje mladih na aktivizam i povezivanje sa srodnim organizacijama. Srednjoškolci su odlučili aktivno djelovati protiv navedenog problema.

Organizacioni tim su sačinjavali Eldar Pezer, Adnan Bahtić i Amil Čvorić.

Kamp je finansijski podržan iz Fonda Socijalnog dana 2018. Pored toga sponzori su: Općina Tešanj, Mepromex, Madi, Inox Ajanović, Saračević specijalni čelik, Oaza i Tešanjski Dijamant.

HIP HOP spaja mlade

21.7 je u prepunoj kino Sali Omladinskog centra u Brčkom održana najavljena tribina „Hip-hop spaja mlade“. Neformalna skupina mladih iz Brčkog pod nazivom „District team“ ekipa je u Brčkom ugostila dva velika imena regionalne hip hop muzičke scene. Kontra i Marčelo definitivno su jedni od muzičara koji su probleme današnjice uspjeli da izraze kroz muziku, i na taj način pokažu kakvo je stanje u državama bivše Jugoslavije. Svjedoci smo da su nacionalizam i podjele danas u porastu, a upravo to je bila tema tribine, gdje su prisutni imali priliku da čuju kako su baš Kontra i Marčelo rušili granice i barijere među mladima na ovim prostorima i sa svojom muzikom napravili velike pomake u našem društvu.



Predsjednica naše organizacije, Matea Brkić, učestvovala je u organizaciji i realizaciji ove tribine ispred Asocijacije srednjoškolaca u BiH.

Matea kaže: "Jako mi je drago što sam imala priliku učestvovati u realizaciji ovog događaja i pritom biti u kontaktu sa mladima iz svoje zajednice koji su spremno doveli goste da pričaju sa velikim brojem mladih koji su se odazvali na tribinu "Hip hop spaja mlade". Uključenost, angažiranost, druženje, borba i naš glas su koraci koje mi mladi radimo za pomirenje i naše zajednice."

OBESSU summer school



OBESSU Summer School se ove godine održao od 14.- 20.7. u Sarajevu u Hotelu Hollywood. Tema ovog događaja bila je vršnjačka edukacija te su učesnici kroz 5 dana učili o toj temi kroz simulacije, diskusije, radionice. Prisustvovalo je preko 30 učesnika iz raznih evropskih zemalja.

"Radili smo na Guidelines za vršnjačku edukaciju, te ih predstavljali jedni drugima. Imali smo priliku turistički posjetiti Sarajevo sa novim prijateljima iz cijele Evrope. Na kreativan i dinamičan način uspjeli smo obraditi jako široku temu i naučiti nešto novo što ćemo

koristiti u svom daljem radu. Imali smo priliku družiti se s pozitivnim ljudima iz cijele Evrope, saznati različita iskustva iz njihovih organizacija i država. Summer School 2019. bio je super iskustvo i odlično provedeno vrijeme", rekla je Azra Sorguč, članica Grupe volontera.

Poslije ovog eventa, planirane su follow up aktivnosti u koje su se pripremale na Summer Schoolu, a koje su povezane s vršnjačkom edukacijom.

Friends without borders III

U periodu od 18. do 20. avgusta, realizovana je razmjena u sklopu projekta "Friends without borders III", u kojoj su učestvovali srednjoškolci iz Maglaja i Travnika. Prvog dana su učesnici imali priliku upoznati se sa kulturno-historijskim znamenitostima Travnika, a već drugog dana su aktivno učestvovali u anketiranju građana o pitanju izgradnje Srednjoškolskog centra. U sklopu ankete je svaki ispitanik dobio letak sa podacima vezanim za kratki historijat procesa same izgradnje.

Nakon ove akcije održana je panel diskusija pod nazivom "Škola bez krova?" u prostorijama Centra za edukaciju mladih.

Uskoro se vidimo na razmjeni u Maglaju gdje ćemo razgovarati o fenomenu "dvije škole pod jednim krovom" koji je, nažalost, prisutan i u tom gradu.

Dan mladih

Međunarodni dan mladih je godišnji međunarodni događaj koji se slavi 12. avgusta. Prvi put je obilježen 2000. godine, a ovaj dan ima svrhu da skrene pažnju na probleme, kulturna i pravna pitanja omladine, učenika, studenata.

Odluka o obilježavanju Međunarodnog dana mladih donesena 1999. godine. Dana 17. decembra Generalna skupština Ujedinjenih naroda u svojoj rezoluciji je prihvatila preporuku Svjetske konferencije za mlade da će 12. august biti proglašen Međunarodnim danom mladih. Od 2000. godine do danas taj se dan kontinuirano obilježava.



Članovi Asocijacije srednjoškolaca u Bosni i Hercegovini su u toku prethodne sedmice organizovali aktivnosti sa svojim lokalnim timovima i na taj način slavili mladost.

Članovi lokalnog tima Tuzla su ovaj dan iskoristili za organizovanje aktivnosti pod nazivom „Mladi za mlade“. Prodavali su lične umjetnine i knjige, zajedno sa građanima oslikavali platno, a prikupljeni novac sačuvali za projekte i aktivnosti lokalnog tima.

U Doboju, Dan mladih se obilježio zajedničkim projektom 2 tima. Lokalni timovi Doboje i Teslić su 13. i 14. augusta organizovali dvodnevni seminar koji je okupio 15 srednjoškolaca iz 7 gradova BiH. Učesnici seminara su učestvovali na raznim aktivnostima u oblasti kulture, sporta i edukacije. Seminar je započeo takmičenjem u plivanju na Džungla bazenima. Održana je Push Pauza sa temom „Mladi ljudi koji mijenjaju svijet“. Održane su i edukativne radionice među kojima i radionica o Socijalnom danu, koju su vodili Stevan Josipović, koordinator promocije Socijalnog dana i Adnana Turkić, regionalni koordinator Socijalnog dana.

Svi mladi ljudi koji su predstavljali svoje timove na seminaru, su prepoznali važnost biblioteke i koliko je ta ustanova bitna za razvoj svakog mladog čovjeka, te su dali doprinos Narodnoj biblioteci Doboje, tako što su knjige koje im više nisu bile potrebne, poklonili u fond knjiga ove biblioteke.

U ostalim lokalnim timovima Dan mladih se obilježio uličnim akcijama, razgovorima sa građanima i srednjoškolskim takmičenjima, a u to da je Dan mladih svaki dan za članove ASuBiH-a možete se uvjeriti prateći naše aktivnosti na www.asubih.ba

Konkurs

Asocijacija srednjoškolaca u Bosni i Hercegovini raspisuje konkurs za 10 novih članova/ica Upravnog odbora, koji se biraju na mandat od dvije godine i novog/u predsjednika/cu organizacije koji/a se bira na mandat od godinu dana.

Popunjavanjem obrasca, iskazujete želju za rad u Upravnom odboru Asocijacije srednjoškolaca u Bosni i Hercegovini. Molimo Vas da pažljivo pročitate informacije u nastavku:



ASuBiH je nevladina, nestranačka i nepolitička organizacija koja okuplja srednjoškolce, kao i Vijeća/Savjete učenika srednjih škola u Bosni i Hercegovini. ASuBiH radi na principu Lokalnih timova, te trenutno okupljamo timove u 60 bh. lokalnih zajednica sa više od 1700 članova i članica.

Kandidati koji se žele prijaviti moraju ispunjavati sljedeće uslove:

- da su državljani Bosne i Hercegovine;
- da redovno pohađaju srednju školu na području Bosne i Hercegovine;
- da nisu aktivisti/kinje neke od političkih partija;
- da su članovi/ice Lokalnog tima ASuBiH-a u mjestu boravka ili školovanja.
- da su izmirili sva sredstva namijenjena realizaciji njihovih projekata (isključujući novac doniran od strane ASuBiH-a putem Fonda Socijalnog dana 2018)

Da biste se prijavili za ovu poziciju potrebno je da ispunite sva pitanja aplikacije u nastavku i dostavite na mail konkurs@asubih.ba do 9.9.2019. godine, do 14:00 sati.

Nepotpune, neblagovremene, te prijave sa uvredljivim i pogrđnim sadržajem neće se uzeti u razmatranje.

U užu krug prolazi 15 kandidata i kandidatkinja koji/e će se predstavljati na XII Generalnoj skupštini, a koja će biti održana u periodu od 11. do 13. oktobra/listopada 2019. godine u Sarajevu.

Konkurs će biti otvoren do 9. septembra/rujna, a rezultati za užu krug bit će objavljeni na našoj web stranici www.asubih.ba 16. septembra/rujna.

Aplikaciju možete pronaći na linku: <http://www.asubih.ba/2019/08/23/asocijacija-srednjoskolaca-u-bosni-i-hercegovini-raspisuje-konkurs-za-10-novih-clanova-ica-upravnog-odbora-i-predsjednika-cu/>



Udruženje građana "C.E.Z.A.R." Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

Ljetna škola o pomirenju

Evropski pokret u Srbiji je, u okviru projekta Demokratizacija i pomirenje na Zapadnom Balkanu, organizovao Međunarodnu ljetnu školu "Engagment for Friendship: Changing political culture in the Balkans", koja je održana u Beogradu, od 30. juna do 7. jula 2019. godine. Direktorica našeg Udruženja Tanja Šnjegota uzela je učešće u ovoj ljetnoj školi, pored učesnika iz BiH, Srbije, Albanije, Crne Gore, Njemačke i Italije. Ljetna škola se fokusirala na ulogu prijateljstva u stvaranju etničkog pomirenja u regionu.



Humanitarna akcija "Budi mi prijatelj"

Udruženje građana "C.E.Z.A.R." je od 17.07. do 17.08.2019. godine sprovelo Humanitarnu akciju "Budi mi prijatelj" u našem gradu, sa ciljem prikupljanja pomoći za polazak u novu školsku godinu učenicima slabijeg imovinskog stanja. Akcija je sprovedena tako što su staklene teglice kasice ukrašene u našim prostorijama na kreativnim radionicama uz pomoć naših volontera, te smo iste postavili po trgovinskim radnjama po našem gradu i skupljali novac. Nakon mjesec dana uspjeli smo skupiti 1350 KM, te smo kupili školski pribor i torbe za 70 školaraca. U saradnji sa Centrom za socijalni rad podijelili smo školske pakete i obradovali učenike iz socijalno ugroženih porodica sa naše opštine i omogućili im srećniji početak nove školske godine.



"Erasmus + opening the doors"

Konferencija "Erasmus + otvaranje vrata" odražana je od 17. do 19. jula na Fruškoj gori, u organizaciji Inženjera zaštite životne sredine iz Novog Sada. Konferencija je okupila 50 predstavnika organizacija koje rade sa mladima i 6 balkanskih zemalja, a glavni cilj događaja bio je davanje preporuka za poboljšanje omladinske komponente Erasmus+ programa za Zapadni Balakan. Predstavnik našeg udruženja na ovoj konferenciji bila je direktorica Tanja Šnjegota.



Ljetni turnir u stolnom tenisu

Udruženje građana "C.E.Z.A.R." upješno je organizovalo već tradicionalni ljetni turnir u stolnom tenisu. Na turniru je učestvovalo oko 30 takmičara uzrasta od 10 do 60 godina, koji su bili raspoređeni u dvije starosne kategorije, a u izuzetno jakoj konkurenciji, među kadetima prvo mjesto je zauzeo Andrej Simić, dok je na drugom Aleksa Pantelić, a treće je pripalo Marku Maleševiću. U kategoriji "odrasli" prvo mjesto je pripalo Daliboru Stojiću, na drugom je Stojan Novaković, a na trećem je Slobodan Stojaković. Za prva tri mjesta obezbjeđene su diplome, a najbolji su dobili i pehare. Takođe, prvi put su dodjeljene i simbolične nagrade najmlađem i najstarijem učesniku-majice Udruženja građana "C.E.Z.A.R."



Projekat „Formiraj lanac“

Udruženje građana "C.E.Z.A.R." obilježilo je u ponedjeljak 12.08. Međunarodni dan mladih učešćem u godišnjoj republičkoj akciji "Formiraj lanac", koja je organizovana u sklopu mreže Volonterskog servisa Republike Srpske, a uz finansijsku podršku Ministarstva porodice, omladine i sporta.



Članovi Udruženja i Lokalnog volonterskog servisa ovom prilikom su uredili Omladinski park na Bolničkom brdu koji je izgrađen od strane ovog udruženja i na taj način dali svoj doprinos u širenju volonterizma na području opštine Srbac i uređenju životne okoline.

Upis u novi ciklus aktivnosti

Udruženje građana "C.E.Z.A.R." vrši upis u novi ciklus aktivnosti!

Od septembra za djecu i mlade imamo u ponudi pregršt kreativnih, edukativnih, muzičkih, i sportskih aktivnosti. U ponudi su sljedeće aktivnosti:

Mala školica engleskog jezika, Kurs italijanskog jezika, Mali kreativci, Malac hemičarac, Škola gitare, Ples, Hip hop i Ritmička gimnastika.

Sve aktivnosti počinju sa radom od 02.09.

УДРУЖЕЊЕ ГРАЂАНА "Ц.Е.З.А.Р."

ВРШИ УПИС У НОВИ ЦИКЛУС АКТИВНОСТИ ЗА
ДЈЕЦУ И МЛАДЕ



Детаљније информације можете добити на бројеве телефона
051 928 126 и 065 425 428, или путем фб профила
<https://www.facebook.com/centarzamlade.srbac>





Omladinski klub "DIJAMANT"

Ul. Bučići 42, 70101 Jajce
Tel./fax: +387 30 279 444, +387 61 179 209, +387 63 366 811
E-mail: m.sekib@bih.net.ba
WEB: www.ocd-dijamant.net, www.dijamantmoda.com

Zajednica bez poroka

Omladinski klub „Dijamant“ Jajce realizuje Projekat „ZAJEDNICA BRZ POROKA“. Sve planirane projektne aktivnosti će doprinijeti i podstaći mlade, kao i institucije, da prepoznaju potrebe i pokrenu različite programe podrške za preventivnim radom od poroka današnjice. Posebno je važno naglasiti da je manjak preventivnog rada i uključivanje mladih u preventivne i društvene aktivnosti, a poroci su nešto čime se lokalne zajednice suočavaju u ovoj zemlji BiH. Ovim projektom bi obuhvatili direktno 100 sudionika i članove njihovih porodica koji bi imali priliku da prođu planirane obuke i da steknu osnovna znanja o štetnosti i posljedicama koje nastaju usljed korištenja opojnih droga, kocke, alkohola i pušenja.

Učesnici će imati priliku da pored edukacije izvedu i praktičan dio, a kroz kreativne radionice u njihovim zajednicama na temu „Zajednica bez poroka“, učesnici iz Jajca, te susjednog grada Donjeg Vakufa, imaju priliku da zajednički izraze svoju kreativnost kroz međusobno druženje i društvene aktivnosti. Također, podstaknuti ćemo učesnike da grade drugačiji odnos prema sebi, tako i prema okruženju u kojem žive. Putem sredstava javnog informisanja, plakatima, banerom, pozivima, direktnih ličnih kontakata, grupnog rada, dopisa, te društvenih mreža i pokretanjem Facebook stranice „Zajednica bez poroka“ skrenuti ćemo pažnju na problem. Projektne aktivnosti podržalo je Federalno ministarstvo obrazovanja i nauke.

Omladinski aktivizam

Članovi Omladinskog kluba „Dijamant“ i Ženskog odbojkaškog kluba „Jajce- Nansen“ kontinuirano kroz eko-akcije i uređenju životne sredine podižu nivo svijesti o zaštiti životne sredine kao i preispitivanje društvene odgovornosti mladih u zajednici. Jednu takvu akciju, prilikom putovanja na sportsko nadmetanje, realizirali su nedavno na magistralnom putu Jajce- Donji Vakuf.



Na ovoj putnoj relaciji zatekli smo odmaralište koje je bilo zatrpano različitim otpadom. Samoinicijativno smo se organizirali, te uredili isto. Naša zemlja obiluje s mnogim prirodnim ljepotama, ali očigledan je primjer da u našem društvu nema dovoljno svijesti i osjećaja za takva bogatstva – rekao je Šekib Makić, trener Ženskog odbojkaškog kluba „Jajce- Nansen“.

Jedno od ključnih obilježja današnjeg vremena su nagomilani ekološki problemi, a proces ekološkog osvješćivanja postao je imperativ današnjice. U rješavanje ovog problema uključene su mnoge institucije, ali ovaj problem će najprije biti psihološke naravi.

Nažalost, mnoga prekrasna mjesta koja služe kao odmarališta tretiraju se kao odlagališta smeća. Ovo stanje se mora mijenjati, tako što ćemo zajedno raditi na zaštiti dragocjenih prirodnih resursa i podizanju svijesti o potrebi aktivnog sudjelovanja svih u očuvanju ovog prekrasnog planeta.

Članovi ovog udruženja i sportskog kolektiva iz Jajca tokom svoga postojanja organizirali su nekoliko eko-akcija te sproveli niz radionica uglavnom s mlađim uzrastom.



Oni smatraju da zagađena okolina nije borba s prirodom već borba čovjeka sa svojom sviješću. Ukoliko se ovo stanje rapidno ne promijeni i nove generacije ne nauče da čuvaju svoju životnu sredinu, otpad će postati globalni problem.





PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH

Tel./Fax: +387 49 217 695

E-mail: info@proni.ba

www.proni.ba

„Citizens of EU“ Tetovo



Volonteri PRONI Centra iz Bihaća, Brčkog i Sarajeva učestvovali su u Erasmus+ razmjeni "Citizens of EU" koju je organizovalo German Youth for European Unity i Mladinska Alijansa Tetovo. Ova razmjena se odvijala od 12. do 20. juna 2019. godine u hotelu Arena na planinskom vrhu Popova Šapka pored Tetova u Sjevernoj Makedoniji.

Na razmjeni je učestvovalo ukupno 40 učesnika iz sedam država: Albanije, Bosne i Hercegovine, Madjarske, Njemačke, Rumunije, Sjeverne Makedonije i Turske.

Tokom ove razmjene odigravale su se raznovrsne aktivnosti edukativnog karaktera o mladima i njihovom aktivizmu, pri čemu su svi učesnici isticali probleme iz svojih država i predlagali akcione planove u cilju rješavanja istih

„Pokreni i promijeni“

Predstavnici PRONI Centra učestvovali su u radu Konferencije o položaju mladih u Brčko distriktu BiH pod nazivom "Pokreni i promijeni". Konferencija je organizovana u sklopu Prvih susreta mladih Brčko distrikta BiH, koju je organizovao Vijeće/Savjet mladih Brčko distrikta BiH.

Enter! Youth Week

Volonterke PRONI Centara učestvovala su na Enter! Youth Week-u, koji se održao u Strasbourgu, u organizaciji Youth Department - Council of Europe u periodu od 7. do 12. Jula.

Tokom sedmice vođene su rasprave i trenizi o edukaciji, omladinskom radu i volonterizmu, sportu, kulturi i uopšte društveno korisnim temama.

Učesnici su također imali priliku da vide kako izgleda praktičan rad u domaćim organizacijama. Mladi su raspravljali o uspješnosti implementacije Enter! Recommendation i zajednički su napisali poruku koja će biti prosljeđena Vijeću Evrope.



Sastanak EVS/ESC akreditovanih organizacija

Dvodnevnom radnom sastanku EVS/ESC akreditovanih organizacija iz Bosne i Hercegovine, Crne Gore i Srbije (u organizaciji SALTO - YOUTH resursnog centra) prisustvovao je i Generalni menadžer PRONI Centra za omladinski razvoj. Sastanak je imao za cilj da pruži podršku organizacijama da razviju kvalitetnije volonterske projekte u okviru programa Erasmus+ Mladi i Evropskih Snaga Solidarnosti.

„United for peace – Youth recommendations for peace in future“

PRONI Centar za omladinski razvoj sprovodi projekat “United for Peace – Youth recommendations for peace in future” koji će okupiti 15 mladih iz BiH (ispred krovnih organizacija za mlade i drugih organizacija) na treningu u Brčkom na kojem će zajedno razgovarati o miru i pomirenju i davati preporuke za pomirenje i kulturu življenja. Trening će trajati dva dana i održat će se krajem avgusta.

Mladi će kreirati strategije koje će imati za cilj da unaprijede pomirenje kroz omladinski aktivizam. Preporuke će biti predstavljene na konferenciji sa predstavnicima vlasti koja će se održati u Banja Luci.

Projekat je podržan od strane Evropske Unije, a vodeći aplikant projekta je OKC iz Banja Luke.

Animiranje mladih za pomirenje – „Budi inspiracija“

Predstavnici PRONI Centra za omladinski razvoj (na poziv kolega iz Inicijativa mladih za ljudska prava u BiH - YIHR BiH) učestvovali su u radu prve Konferencije u okviru projekta "Animiranje mladih za pomirenje - Budi Inspiracija". Projekat je podržan od strane Američke agencije za međunarodni razvoj (USAID), a implementira ga Nacionalni demokratski institut (NDI BiH) u saradnji sa Inicijativom mladih za ljudska prava (YIHR BiH) i Fondacijom INFOHOUSE.

Liderski kamp

Predstavnici PRONI Centra za omladinski razvoj učestvovali su na Liderskom kampu - Sutjeska. Mladi su učili o pojmu liderstva i stekli liderske osobine kroz razne edukativne i zabavne aktivnosti. Na kampu je učestvovalo 60 mladih sa područja Bosne i Hercegovine koji su aktivni kroz projekat Budi Muško Klub.

Kamp se realizovao u okviru projekta Inicijativa mladića II (YMI - Young Men Initiative): “Promovisanje zdravih životnih stilova među mladima u Bosni i Hercegovini osporavanjem rodni stereotipa II”, koji podržava Vlada Švicarske, OAK Fondacija, Austrijska razvojna agencija i CARE International.

„Za bolji komšiluk“

PRONI je učestvovao u inter-etničkom kampu „Za bolji komšiluk“ u Srebrenici, čiji je organizator udruženje Sara Srebrenica. Ovaj kamp je okupio oko 40 mladih iz BiH, te je imao za cilj da se mladi ljudi zbliže kroz edukativne radionice i zabavne aktivnosti.

Omladinski radnik ispred PRONI-a u sklopu PRONI Škole kratkog filma održao je radionicu “Od ideje do filma“, a neke od ostalih radionica su se ticale medijske manipulacije, emocionalne inteligencije i identiteta. Pored toga, imali smo čast čuti dirljive i pozitivne priče ostalih gostiju, običi znamenitosti Srebrenice, i opustiti se uz muziku, poeziju i prisustvo dobrih ljudi.

Youth Express Network

Učestvovali smo na generalnoj skuštini Youth Express Network, kao dugogodišnja aktivna članica mreže. Youth Express Network smatra inkluzivnim društvom upravo ono u kojem se mladi, njihove potrebe i participacija prepoznaju, cijene i uvažavaju. Ovo je, takođe, jedan od ciljeva PRONI Centra za omladinski razvoj.

Od ove skupštine, imamo novu članicu mreže, a to je organizacija “Stichting Be Innovated” iz Holandije, kojoj želimo dobrodošlicu.

Na ovoj skupštini birali smo i nove članice/ove upravnog odbora. Adina Halilović, menadžerica za mobilnost mladih u PRONI Centru postala je članica upravnog odbora mreže.

Osnove omladinskog rada u Milićima i Bratuncu



PRONI Centar za omladinski razvoj u saradnji sa Forumom žena Bratunac implementira obuku o Osnovama omladinskog rada u Milićima i Bratuncu. Tokom osmog mjeseca održano je 6 modula obuke.

„Participation toolbox“

U periodu od 10. -18. avgusta, u Berlinu je održan trening "Participation toolbox", kao jedna od aktivnosti projekta "Shake the box" koji realizuje Youth Express Network.

Cilj treninga je bio da mladima koji su aktivni na lokalnom nivou omogući da poboljšaju svoje sposobnosti javnog zagovaranja i lobiranja za svoje aktivno sudjelovanje u društvu, te razviju svoje kompetencije ka boljoj provedbi njihovih inicijativa.

Ispred PRONI Centra, kao članice mreže, učestvovali su Faris Čolić i Adina Halilović. Za predstavnike PRONI Centra, ovo je bila prilika da predstave rad na lokalnom nivou kroz aktivnosti u omladinskim klubovima, te kroz razmjenu iskustva i mišljenja upoznaju druge učesnike sa izazovima mladih u BiH ali i saznaju s kojim izazovima se mladi u Europi susreću na lokalnom nivou. Trening je okupio 29 mladih aktivista iz država članica Vijeća Europe.

Izmjene i dopune zakona

PRONI Centar za omladinski razvoj pokreće inicijative za izmjenu i dopunu "Zakona o komunikacijama BiH" koji reguliše govor mržnje na društvenim mrežama kao i za izmjene i dopune "Zakona o udruženjima i fondacijama BiH".

Inicijativa se realizuje u sklopu projekta "Mladi u borbi protiv nasilnog ekstremizma" kojeg sprovodimo sa Omladinskim resursnim centrom Tuzla - ORC Tuzla i PAX Holandija a kojeg podržava Embassy of the Netherlands in Bosnia and Herzegovina kroz program #matra.

Festival omladinske kulture i aktivizma - PYAF

Predstavnici PRONI Centra za omladinski razvoj učestvovali su na Festivalu omladinske kulture i aktivizma - PYAF u Jablanici.

Ovdje smo predstavili PRONI model omladinskog rada u Omladinskim klubovima i Omladinskim centrima te smo učestvovali na nizu panela i diskusija o omladinskom aktivizmu.

Sarajevo Film festival

Mladi i aktivni učesnici PRONI Omladinskih klubova učestvovali su na 25. Sarajevo Film festivalu kroz „Docu Corner program“, koji je realizovao YIHR BiH u sklopu projekta "Društvena transformacija i pomirenje STaR BiH".

Docu Corner je platforma za mlade iz Bosne i Hercegovine, regije (Hrvatske, Srbije, Crne Gore i Kosova) i Evrope. Dio je takmičarskog Dokumentarnog programa tokom SFF-a, u kojem učesnici nakon premijere imaju priliku razgovarati sa producentima filma, o filmu i relevantnim pitanjima koji su uglavnom povezani sa ljudskim pravima. Oko 50 mladih iz regiona kroz ovaj program prisustvovalo je na više od 15 projekcija dokumentarnog filma. Pored projekcija dokumentarnih filmova, mladi su imali priliku razgovarati sa ambasadorom Kraljevine Holandije, gospodinom Reinout Vosom o ljudskim pravima i trenutnom stanju u BiH. Završne aktivnosti bile su posjete istorijskim muzejima u Sarajevu.

„Ujedinjeni za mir“

PRONI Centar za omladinski razvoj implementira projekat "Ujedinjeni za mir" koji je okupio mlade iz svih dijelova Bosne i Hercegovine.

Kao prva aktivnost je obuka na kojoj će mladi razgovarati o miru, pomirenju i dobiti impute za online istraživanje koje će mladi sprovesti na području Bosne i Hercegovine kako bi se utvrdilo trenutno stanje i dobile preporuke za unapređenje od strane mladih ljudi.

Rezultati istraživanja će biti predstavljeni donosiocima odluka na zajedničkoj konferenciji u Banja Luci.

Ovaj projekat je podržan od strane Evropske Unije, a dio je velikog projekta "Divided past - Joint future" kojeg sprovodi OKC iz Banja Luke.

Aktivnosti PRONI Omladinskih klubova

Aktivnosti u PRONI Omladinskim klubovima se realizuju u sklopu STaR projekta.

POK MOSTAR

- Nastavljena je „Obuka za menadžere društvenih mreža“
- Učestvovali smo u Inovacijskom danu mladih
- Nastavljena je radionica "Kako postati poželjan na tržištu rada"
- Imali smo posjetu studenata iz Južne Koreje (George Mason University)
- Prisustvovali smo događaju "Od ideje do realizacije"
- Održan je drugi modul PRONI Akademije omladinskog rada

POK Banja Luka

- Dio smo programa "Banja Luka ljudskog lica" kojeg sprovodi Grad Banja Luka
- Održali smo sastanak sa v.d. generalnog sekretara Omladinski savjet Republike Srpske

POK Sarajevo

- Održan je treći modul PRONI Akademije omladinskog rada

POK Bijeljina

- Započeo sa radionicama "Od inspiracije do akcije"
- Započela je „PRONI škola kratkog filma“
- Održan je treći modul PRONI Akademije omladinskog rada

Omladinski klub Maoča

- Realizujemo obuku o Osnovama omladinskog rada
- Održana je radionica kovanja
- Nastavljena je radionica Art terapije

Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo

Tel: +387 33 778 778.

Fax: +387 33 778 79

E-mail: kult@mladi.org, web:
www.mladi.org

Institut podržao Nađu Zubčević i njenu inovaciju



Nađa Zubčević je magistrica i inovatorica. Svojim životnim putem mnogima je pokazala zašto ne treba odustajati i zašto treba vjerovati u sebe. Zbog takvog svog stava, Nađa danas ima priliku na prestižnim sajmovima za sebe reći: “Ja sam inovatorica iz Bosne i Hercegovine. Ja sam osmislila ono što je svijetu nedostajalo i ja sam dio rješenja.” Nađa je na druženju sa kolegama i kolegicama kao i svi prosječni mladi ljudi u BiH razgovarala o brojnim temama, detektovala probleme, ali ono što je čini drugačijom jeste činjenica da je pronašla rješenje.

Krenula je od svoje lične nedoumice, kako na siguran način koristiti wc šolju u javnim prostorima, a da to bude sigurno i da ne uzrokuje zdravstvene probleme. Tragala je

dok nije pronašla rješenje - Antibakterijsku dasku za wc šolju.

Daska radi na principu senzora koji detektuje pokret tijela kada osoba uđe u toalet. Senzor pali UV LED diode koje su smještene u unutrašnjost daske, a to svjetlo potom aktivira antibakterijski film koji se nalazi na površini daske. Istraživanje je pokazalo da je procent uništavanja bakterija 99,8 posto, a daska može da traje između pet i deset godina.

Tada počinje priča o Nađi, bh. inovatorici koja plijeni pažnju gdje god da se pojavi.

Put je započeo kada je svoju ideju predstavila i osvojila prvu nagradu na Turniru društvenih inovacija i podršku Fondacije Mozaik. Nakon toga je usavršavala patent, tragala za podrškom i najboljim rješenjima. Danas Nađa ima gotov prototip daske, uključila se i u Asocijaciju inovatora BiH i bila gošća brojnih sajmove inovacija širom svijeta i dobitnica medalja.

Semi Grand Prize nagrada je koju je Nađa posljednju osvojila i to u Seulu. Svojim prototipom oduševila je posjetioce u ovom gradu, a podršku za odlazak na sajam i rad na svom patentu dobila je od Instituta za razvoj mladih KULT. Priznanja za inovaciju dobila je i u Poljskoj, Hrvatskoj, Bosni i Hercegovini...

Institut je podržao dio procesa mlade i uspješne inovatorice, ali njoj treba još mnogo toga.

Kako bi osigurala veću proizvodnju svog izuma, Nađa će pokrenuti i crowdfunding kampanju jer želi koristiti sve dostupne resurse kako bi došla do konačnog cilja.

Nađa je mlada osoba koja svoju budućnost vidi u BiH. Ne razmišlja o odlasku, ali se nada da će BiH prepoznati značaj mladih inovatora i podržati njihove ideje. Pomoći im da budu još bolji ambasadori, ali i uspješni mladi ljudi koji snove ne moraju ostvarivati izvan granica svoje zemlje.

Događaj za službenike za mlade: KAKO biti zajednica naklonjena mladima

Institut za razvoj mladih KULT u oktobru organizuje Seminar za službenike/ce za mlade pod nazivom „Kako biti zajednica naklonjena mladima – provedba zakona o mladima“.

Svakodnevni rad i djelovanje službenika/ce za mlade u lokalnim zajednicama, od iznimne je važnosti za razvoj zajednica u kojima djeluju, ali i za svakog mladog čovjeka s kojim rade.

Uključivanje svih nadležnih institucija i svih nivoa vlasti od iznimne je važnosti za kreiranje ambijenta, u kojem će mlade osobe u BiH željeti živjeti i aktivno doprinositi, a službenici/e za mlade prva su kontaktna točka koja mlade ljude može ohrabriti i pružiti savjetodavnu pomoć.

Istovremeno, usavršavanje i unaprjeđenje položaja službenika/ce za mlade Institutu za razvoj mladih KULT jedan je od prioriteta, jer jedino zajedničkim snagama možemo unaprijediti položaj mladih u našoj zemlji i pomoći im da istinski postanu aktivni građani/ke.

Seminar **'Kako biti zajednica naklonjena mladima – provedba zakona o mladima'** namijenjen je službenicima/ama za mlade kako bi razmotrili sve aspekte mehanizama koje zakoni o mladima propisuju, načine njihove provedbe u lokalnoj zajednici, te mogućnosti međusobne saradnje službenika/ca za mlade.

Bosna i Hercegovina se radom s mladima bavi kroz tri zakona u sve tri administrativne jedinice. Ovi zakoni jednako definiraju mlade i jedan dio mehanizama za mlade. Ipak, uloga službenika /ce za mlade u jedinicama lokalne samouprave nije jednako prepoznata i provedba zakonskih mehanizama se ne odvija jednako u svim dijelovima BiH.

Važnost provedbe svih zakonskih mehanizama za mlade, njihova provedba i potrebe službenika/ca za provedbu mehanizama su tema ovog seminara za službenike/ce za mlade u BiH. Kroz višednevni rad službenici/ce će razmatrati načine kako bolje provoditi zakonske mehanizme za mlade, te kako unaprijediti saradnju sa drugim službama u lokalnim zajednicama u cilju boljeg položaja mladih.

Seminar će biti održan **od 30. septembra do 3. oktobra 2019. godine, u hotelu Hills u Sarajevu.**



Osnovna obuka o pisanju projekata



Institut za razvoj mladih KULT partner je u organizaciji Osnovne obuke o pisanju projekata koja će biti relizovana u Sarajevu, od 28. do 30. oktobra 2019. godine. Osnovna obuka za pisanje projekata namijenjena je svima koji žele steći znanje, vještine i iskustvo vezano za pisanje projektnih prijedloga.

Pisanje projektnih prijedloga dio je procesa iniciranja i planiranja. Ima vrlo značajnu funkciju bez koje projekt, zapravo, ne bi ni postojao.

Obuka je usmjerena na pristup kojem u fokusu nije samo jedan donator, već cjelokupan proces razvoja jednog projekta. Cilj je polaznike naučiti kako pretočiti

projektu ideju u bilo koju projektnu aplikaciju.

Sve informacije o cijenama i prijavi mogu se pronaći na web i FB stranici Instituta.

Adnan Mujanović – pojedinac

IFMSA profesionalna klinička razmjena – Maroko, 2019.



IFMSA razmjene pružaju mogućnost studentima iz preko 125 zemalja članica, za usavršavanje kliničkih vještina i teoretskih znanja iz različitih oblasti medicine. Profesionalne kliničke razmjene omogućavaju studentima da steknu nova znanja i iskustva koja će imati priliku koristiti u svom daljem studentskom angažmanu, ali i u profesionalnim sferama po završetku studija.

Jedan od naših članova, Adnan Mujanović, je ove godine imao priliku obavljati razmjenu u Maroku, tačnije, na Centralnom univerzitetskom centru „Mohammad VI“ u Marakešu, na Klinici za neurohirurgiju. Kada je u pitanju stručni i medicinski aspekt razmjene, Adnan navodi: „U pojedinim trenucima sam vidio slične probleme sa kojima se susreće i stanovništvo u Bosni i Hercegovini, te me razalošćuje činjenica da postoje ljudi koji u 2019. godini i dalje ne shvataju važnost kontinuiranog usavršavanja zdravstvenog, obrazovnog – ili bilo kojeg drugog - sistema. To je proces koji nije stacionaran i na kojem se mora dnevno raditi. S druge strane, ista ta stvar mi daje nadu, jer stvara empatiju kod ljudi različitih pozadina koji se susreću sa istim problemima. Te ta ista empatija stvara podlogu za međusobno povezivanje, podršku i napredak.“



Pored stručnog dijela, razmjene prati i bogat društveni program, koji pruža priliku stranim studentima da se upoznaju sa dijelom kulture i običaja zemlje domaćina. Na ovaj način stvara se šira kultura međusobnog poznavanja, razumjevanja i širenja vidika iz različitih životnih oblasti.

Pružiti mogućnost mladim ljudima za kontinuirano usavršavanje, te sticanje novih znanja i iskustva, je jedan od osnovnih preduslova uspješnog (i zdravog) društva. Adnan se zahvaljuje svim pojedincima/kama, udruženjima i kompanijama koje su prepoznale važnost ulaganja u stručna i praktična usavršavanja mladih ljudi van formalnih akademskih okvira. Ove zahvale se posebno se odnose na Rotaract zajednicu BiH i Austrije, Bosnalijek, Tuzlafarm i Babilon kompanije.





H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobož
Tel./fax: +387 53 226 886
E-mail: merhamet.doboj@cutuk.net
FB: www.facebook.com/Merhamet-Doboj

Osim stalnih aktivnosti koje podrazumijevaju: Evidentiranje članarine, štampanje korisnicima molbi, žalbi, raznih dopisa, fotokopiranja, rada sa članovima, pružanja informacija, raspodjele humanitarne pomoći, izrada projekata i prisustvo seminarima, okruglim stolovima i drugim sesijama, Merhamet Dobož je tokom juna radio na sljedećem:

03.jula Održan je sastanak "Regionalnog Merhameta" Banja Luka. Na dnevnom redu su bili uplata Kuršana za 2019., zatim aktivnosti osnovnih odbora, ramazanski paketi.

H.O."Merhamet" Dobož prati koliko je moguće život socijalno ugroženih članova. Primjer dobre prakse je da pomogne u realizaciji zbrinjavanja osobama koje nemaju svoj dom. Obratila nam se članica Bajrić Badema da joj je kuća porušena i da nema gdje da stanuje. "Merhamet" je krenuo u akciju pronalaženja donatora, kako bih se našoj korisnici izgradila kuća. H.O."Merhamet" je poslao molbe na više strana, tako da se oglasilo Federalno ministarstvo sa početnom donacijom od 1.500KM, zatim opština Maglaj sa 300KM, "Mady" firma sa 200KM. Sa tim sredstvima smo uradili temelj za postojeću kuću. Sve ostalo je uradila humanitarna organizacija "Oslonac" iz Tešnja, kojima se od srca zahvaljujemo. Primopredaja kuće je bila 06.07.2019. godine, kada je predsjednica "Merhameta" Avdić Faketa predala ključeve Bajrić Bademi.



23.07.2019. Izvršena je raspodjela humanitarne pomoći kurbanskoga mesa donacija H.O.Merhamet" Maglaj, kojom su obuhvaćeni svi članovi "Merhameta", kao i socijalno ugrožene kategorije. Aktivisti "Merhamet-a" zajedno sa predsjednicom Avdić Faketom se maksimalno trude da obezbijede koliko toliko mesnih proizvoda i kako bi pomogli najugroženijim članovima.

12.08.2019 god Izvršena je raspodjela humanitarne pomoći kurbanskoga mesa donacija humanitarne organizacije "Hasene" Sarajevo, kojom su obuhvaćeni svi članovi "Merhameta", kao i socijalno ugrožene kategorije.



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je ovaj mjesec imala priliku praviti razne figure od životinja od papira u 3D formatu (lavove, mačke, ljuljaške, puževe). Slušali su priče, koje se temelje na temama o miru, pomirenju i poštovanju drugog. U julu smo dobili nove učesnike, pa smo vježbali riječi na engleskom jeziku na temu sezonskog voća i povrća, domaćih i divljih životinja, te na temu ljetomore, sladoled, lubenica, suncobran. Učesnici

su takođe nastavili vježbati abecedu, azbuku i pisanje vlastitog imena, te su ponavljali dijelove tijela na engleskom jeziku. Na muzičkim radionicama su i ovaj mjesec muzicirali zajedno na raznim udaraljka i akustičnim instrumentima, te su učili nove pjesmice „Going green song“, „Leteći medvjedići“ i „Babaroga“). Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje na kojima su učesnici i ovaj mjesec pravili kreacije koristeći razne materijale. U toku mjeseca su radili sa glinom i plastelinom, te sa vodenim bojama i temperama. Takođe su sakupljali kamenje koje su bojili i ukrašavali. Utorkom su učesnici vježbali engleski jezik i svakodnevnu komunikaciju; radili su nove pridjeve za opisivanje ljudskog tijela. Srijedom su se održale plesne radionice – ča –ča –ča. Četvrtkom su se družili uz sportske aktivnosti društvene i teambuilding igre, te karaoke, a petkom su nastavili raditi na slobodnim temama kreativnog izražavanja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.



Radionice gitare

Učesnici ovih radionica radili su na novim etidama, pjesmama i kompozicijama (M.Carcassi, A.Diabelli, F.Sor, F.M.Torroba, „Four“- Miles Davis, „Kiša pada trava raste“ – dječja pjesma) te utvrđivali naučeno gradivo: „Song for my father“(H.Silver), „Freddie Freeloader“(M.Davis), „Lady Bird“(T.Dameron), „Tango en Skaï“(R. Dyens), „Etida br.1“ (Heitor Villa Lobos), „Levantinska Svita“ (D. Bogdanović) .

Radionice sambe

Učesnici ove radionice su radili na dvije nove kompozicije bez upotrebe električnih instrumenata. Većinu ritmičkih ideja i aranžmana osmislili su sami učesnici.

Eko kamp 2019.

Omladinska organizacija Svitac je u saradnji sa AsuBiH, EU Infocentrom i Udruženjem ljubitelja prirode implementirala dvodnevni ekološki kamp (30. 07. i 31.07.) u planinarskom domu „Granaš“ - Sv. Bernard u Gornjem Zoviku, za mlade uzrasta 15+. U okviru kampa su realizovane ekološke, edukativne radionice sa iskusnim predavačima, a teme su bile zaštita prirodne okoline, planinarenje, biljni i životinjski svijet u BiH, te podizanje svijesti o opasnosti od mina. Mladi su imali priliku slušati predavanja „Putujmo sigurno Evropom“, „Planinarenje na najpoznatijim svjetskim vrhovima“, „Zaštita šuma i zaštita prirodne okoline“, „Ugrožene biljne i životinjske vrste“ i „Bezbjednost biciklista u saobraćaju“. Takođe su učestvovali u interaktivnoj timskoj radionici, te su imali priliku isprobati vještine u adrenalinskom parku.



Radionice komunikacije na engleskom jeziku

Međunarodna volonterka iz SAD-a Kathleen Turner je nastavila sa radionicama komunikacije na engleskom jeziku za mlade iz Brčko distrikta, koji već govore ili žele poboljšati komunikaciju engleskog jezika. Na radionicama su se radile teme iz svakodnevnice, pisanje CV-a ili motivacionih pisama.

Za septembar se planira nastavak svih redovnih radionica Omladinske organizacije Svitac.



INFORMACIJE / DONATORI / POZIVI

Poziv za podnošenje prijedloga za grant nevladinim organizacijama za promicanje borbe protiv seksizma

Odjel za rodnu ravnopravnost Vijeća Evrope raspisuje poziv za podnošenje prijedloga za grant nevladinim organizacijama za promicanje borbe protiv seksizma.

Ovaj poziv za podnošenje prijedloga projekata ima za cilj sufinansiranje projekta koji uključuje aktivnosti na nacionalnom nivou i koji ima za cilj promovisanje provedbe Preporuke Vijeća Evrope CM / Rec (2019) 1 o sprečavanju i suzbijanju seksizma i kojim se dopunjavaju aktivnosti koje Vijeće Evrope poduzima u državi-članici.

Aktivnosti će imati za cilj:

- Potaknuti javnu raspravu o učestalosti i odgovorima na seksizam od strane različitih aktera, tako da se promovira viši nivo razumijevanja / svijesti o fenomenu i identificiraju odgovarajući odgovori, prema potrebi i relevantni u različitim nacionalnim kontekstima.
- Promovisati upotrebu Preporuke Vijeća Evrope o sprečavanju i borbi protiv seksizma kao konkretnog sredstva za iskorjenjivanje seksizma

Projekat će provoditi krovna nevladina organizacija koja posjeduje visoku stručnost i iskustvo u radu na promicanju rodne ravnopravnosti i ženskih prava, u suradnji s nacionalnim ograncima / organizacijama-članicama u pogledu aktivnosti na nacionalnom nivou.

Rok za podnošenje ponuda: 18. novembar 2019. godine.

Tender možete pronaći na sljedećem linku: <https://rm.coe.int/call-for-proposals-ged-combating-sexism-2019-final/168096e262>.

UNICEF dodjeljuje do 100.000\$ investicija za startupe – modernim tehnologijama do lakšeg učenja i zapošljavanja

UNICEF Inovacioni fond je otvorio **poziv za startupe** koji koriste napredne tehnologije (**ML/AI, blockchain, VR/AR**) za razvoj proizvoda koji mogu da pomognu djeci u učenju ili digitalnom povezivanju u cilju budućeg zapošljavanja. Potrebno je da timovi koji se prijavljuju imaju **open-source projekte** (prihvataju i one koji su spremni da postanu open-source) sa postojećim prototipom. Novčani fond za investicije iznosi do 100.000 \$ za svaki od takvih timova, uz napomenu da **ne uzimaju vlasnički udio** u kompaniji prilikom investiranja.

Na konkurs mogu da se prijave startupi iz Bosne i Hercegovine ili neke od [zemalja](#) koja je uključena u UNICEF-ove programe, koji imaju jak tim osnivača i jasan put kako će poboljšati svoje okruženje – posebna pažnja tokom ovog poziva usmjerena je na prijave iz **zapadnog Balkana**.

Iz UNICEF-a skreću pažnju na to da skoro **četiri milijarde ljudi nema pristup internetu**, te da su samim tim oni uskraćeni za sve digitalne proizvode koji im mogu značajno poboljšati život. Dodatni izazov u ovoj priči predstavlja i činjenica da je broj muškaraca koji koristi internet gotovo duplo veći od broja žena. UNICEF kroz razvoj tehnologija i ovaj konkurs želi da pomogne da se smanji ta razlika, pa želi da podstakne što više timova, čiji su osnivači žene, da se prijave.

Softverska rješenja na kojima rade kompanije, startupi ili timovi koji žele da konkurišu treba da odgovore na neka od sljedećih pitanja:

- povezivanje ljudi i poslova uz pomoć mašinskog učenja i vještačke inteligencije, indentifikacijom onog što je potrebno na tržištu rada i kandidata koji su raspoloživi,
- prediktivna analiza kako bi se razumjele promjene u svijetu, kao što su trendovi na tržištu rada, ili ponuda i potražnja poslovnih vještina,
- istraživanje novih tehnika za unaprijeđenje vještina 21. veka kod djece i mladih,
- izgradnja mehanizama i platformi koji će podstaknuti kreatore sadržaja, istraživače, developere širom sveta da svoj rad naplaćuju uz pomoć *blockchain* tehnologije,

- razvoj platformi koje omogućavaju mladim i kreativnim ljudima da uče i rade na daljinu, za domaće, ali i strane klijente.

Na ovom [linku](#) se nalaze detalji o oblastima za koje su zainteresovani (**digital connectivity, job-matching, remedial learning, and remote work and learning**), kao i kriterijumi za izbor timova.

17. septembra će se održati [webinar o procesu prijave na ovaj poziv](#)

Krajnji rok za prijave je 30. septembar 2019.

Formular za prijavu na [linku](#).

RYCO treći poziv za srednje škole: info sesije u BiH

Regionalna kancelarija za saradnju mladih RYCO je raspisala treći Otvoreni poziv, namijenjen prvenstveno srednjim školama. Otvoreni poziv možete pogledati na [OVOM LINKU](#).

U skladu s aktivnostima lokalnog ureda RYCO-a povodom novog Otvorenog poziva obavještavamo vas da su isplanirane i Info sesije Otvorenog poziva u nekoliko gradova u BiH. Raspored Info sesija u BiH možete pogledati na slijedećem [LINKU](#).

Pozivamo vas da podijelite informaciju o Pozivu, kao i Info sesijama svim zainteresiranim – srednjim školama u BiH, ali i organizacijama civilnog društva. Preporučujemo da se zainteresirani učesnici/e prijave najmanje 24 sata prije održavanja Info sesije na mail berina.bukva@rycowb.org.

Poziv za projekte: dm (ZAJEDNO) za bolje sutra!



Pokrenuli smo društveno odgovornu inicijativu {ZAJEDNO} za bolje sutra koja za cilj ima očuvanje okoliša. Pozivamo pravna lica da od 12.8. do 16.9.2019. prijave projekte za uređenje, zaštitu i očuvanje

okoliša u BiH koje ćemo podržati u realizaciji! Prijave se vrše putem linka: <https://www.dm-zajedno.ba/bs/602/#0>

Mogu se prijaviti registrovane nevladine organizacije, ustanove: centri, škole, domovi, društva te jedinice uprave (gradovi, općine, kantoni i entiteti). Sve informacije o načinu prijave, odabira, pravilima i samoj inicijativi dostupne su na platformi: <https://www.dm-zajedno.ba>

Od prijavljenih projekata dm žiri odabrat će njih šest koje će podržati u realizaciji. Odabrani projekti bit će poznati 30.9.2019.

S nestrpljenjem čekamo prijave!



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba

Mjesečni bilten uređuje
Omladinski resursni centar -
ORC Tuzla

Urednik Biltena:
Mirela Biković

Prevod Biltena na engleski:
Emir Karamujić

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com